

## 卷八業雜染 -- 貪欲、瞋恚心補充資料(2012/03/07)

- 宗因喻：「聲無常（宗），為所作性故（因），如瓶等（喻）。」
- **貪欲圓滿的五種相：**（抉擇分卷五十九）
  - 一、有耽著心，謂於自財所。（對自財耽著，怕失去）
  - 二、有貪婪心，謂樂積財物。（有了還要積蓄更多）
  - 三、有饕餮心，謂於屬他資財等事計為華好，深生愛味。（別人有更好的，我也想要）
  - 四、有謀略心，謂作是心：凡彼所有，何當屬我。（我想把別人的得過來，變我的）
  - 五、有覆蔽心，謂貪欲纏之所覆故，不覺羞恥，不知過患及與出離。（樂在其中）以上五種相都具足了，才圓滿貪欲。
- **猛利貪慾：**「云何猛利貪慾？謂如有一，於昔餘生，修習貪慾，亦多修習。由是因緣，令此生中，於先所得先所受用諸欲境界，不正作意；而被貪慾散壞其心。」（卷十八思所成地）
- **貪欲的過患：**「由貪纏故，為可愛法之所制伏；不能制伏彼可愛法。」（卷二十六）
- **如理作意：**（卷五）
  - 如理作意相應尋伺求者：謂如有一以法及不兇險，追求財物，不以非法及兇險。
  - 如理作意相應尋伺受用者：謂如即彼追求財已，不染、不住、不耽、不縛、不悶、不著、亦不堅執，深見過患，了知出離而受用之。
  - 如理作意相應尋伺正行者：謂如有一，了知父母、沙門、婆羅門、及家長等，恭敬供養，利益承事；於今世、後世所作罪中，見大怖畏，行施作福、受齋持戒。
- **貪行者的相貌：**（卷二十六）
  - 諸根悅懌，諸根不彊，諸根不澀，諸根不羶。為性不好以惡身語損惱於他。難使遠離、難使厭患。下劣勝解。事業堅牢、事業久固。禁戒堅牢、禁戒久固，能忍能受。於資生具，為性耽染，深生愛重。多喜多悅，遠離顰蹙，舒顏平視，含笑先言。
- **瞋恚圓滿的五種相：**（抉擇分卷五十九）
  - 一、有憎惡心，謂於能損害相隨法分別故。（就是前面說的**惡意分別**）
  - 二、有不堪耐心，謂於不饒益不堪忍故。（忍不住想害對方）
  - 三、有怨恨心，謂於不饒益數不如理隨憶念故。（這念頭一直生起，持續憶念）
  - 四、有謀略心，謂於有情作如是意：何當捶撻、何當殺害，乃至廣說故。（有計畫）
  - 五、有覆蔽心，謂如前說。（為達目的，樂此不疲）以上五種相都具足了，才圓滿瞋恚心。
- **瞋恚過患：**「由此瞋纏，為可憎法之所制伏；不能制伏彼可憎法。」（卷二十六）
- **瞋行者的相貌：**（卷二十六）
  - 諸根枯槁，諸根剛強，諸根疏澀，諸根羶燥。為性好樂以惡身語損惱於他。易令遠離，易令厭患。凶暴、彊口、形相稜層。無多勝解、事業不堅，事業不固。禁戒不堅。禁戒不固。不忍不受。多憂多惱，性好違背，所取不順。性多愁感，性好羶言，多懷嫌恨，意樂慘烈，悖惡尤蛆，好相拒對。得少語言、多恚多憤、憔悴而住。喜生忿怒，眉面顰蹙，恆不舒顏，邪睛下視，於他榮利、多憎多嫉。